

*BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA*

OBRADIVAČ:
Stručna služba Gradskog vijeća

*IZVJEŠTAJ
O RADU GRADSKOG VIJEĆA
ZENICA ZA 2021. GODINU*

Zenica, mart 2022. godine

I – U V O D

Razmatranje izvještaja o radu Gradskog vijeća utvrđeno je Programom rada Gradskog vijeća Zenica i predstavlja između ostalog i realizaciju zadataka postavljenih u Programu rada Vijeća za 2021. godinu.

Izvještaj o radu Vijeća predstavlja retrospektivu aktivnosti ovog organa u prethodnoj godini s analizom stepena ostvarenja Programa rada.

S obzirom na to da predmetni Izvještaj o radu Gradskog vijeća Zenica prvi put razmatraju vijećnici novog saziva Vijeća (2020.-2024.god.), potrebno je radi kontinuiteta rada Vijeća napomenuti da se Vijeće novog saziva konstituisalo 24. decembra 2020. godine, kada je izabran predsjedavajući Gradskog vijeća Zenica, zamjenik predsjedavajućeg Gradskog vijeća i članovi Radnog predsjedništva Gradskog vijeća, od kada zapravo počinje rad Gradskog vijeća novog saziva.

Na svojoj 7. sjednici, održanoj 22.02.2021. godine, Gradsko vijeće Zenica usvojilo je Program rada Gradskog vijeća za period 01.01.-31.12.2021. godine, kojim su obuhvaćene teme iz oblasti koje su u neposrednoj funkciji ostvarivanja uloge Vijeća.

*Može se konstatovati da je Vijeće u principu realizovalo svoj Program rada za 2021. godinu, razmatrajući ukupno **189** tačaka dnevnog reda koje su zbog svoje kompleksnosti često sadržavale i podtačke tako da se može slobodno konstatirati da je Gradsko vijeće razmatralo veći broj tema od utvrđenog Programom rada za 2021. godinu.*

U protekloj godini Vijeće je održalo ukupno 19 sjednica od kojih su 14 redovnih, četiri vanredne i jedna sjednica svečanog karaktera, te usvojilo ukupno 219 akata.

Vijeće je pored realizacije samog Programa rada, bilo otvoreno za sva značajna i aktuelna pitanja, posebno ona koja su u funkciji realizacije razvojnih projekata i poboljšanja uslova življenja s posebnim akcentom na zaštitu okoliša.

Aktivnosti Gradskog vijeća su prikazane prema vrsti razmatranih materijala po oblastima, s posebnim osvrtom na rad radnih tijela Vijeća i metod rada Vijeća.

II – DRUŠTVENO-EKONOMSKI ODNOSI

Od programskih materijala i planskih dokumenata Vijeće je u oblasti društveno-ekonomskih odnosa u 2021. godini razmatralo i usvojilo:

- *Program rada Gradskog vijeća za period 01.01.-31.12.2021. godine;*
- *Osnove programa i politike Gradonačelnika u mandatu 2020.-2024. godine;*
- *Plan implementacije projekata u 2021. godini u skladu sa Strategijom razvoja Grada Zenica za period 2012-2022. godina;*
- *Program mjera za unapređenje poljoprivredne proizvodnje na području Grada Zenica za 2021. godinu;*
- *Program mjera za utrošak podsticajnih sredstava u oblasti privrede za 2021. godinu na području Grada Zenica.*

*Od **informativno-analitičkih materijala** Vijeće je razmatralo i usvojilo:*

- Informaciju o realizaciji mjera za unapređenje poljoprivredne proizvodnje na području Grada Zenica za 2020. godinu;
- Informaciju o realizaciji podsticajnih mjera za unapređenje privrede za 2019. godinu na području Grada Zenica.

Od izvještajnih materijala iz predmetne oblasti Vijeće je razmatralo i usvojilo:

- Izvještaj o radu Gradske uprave i Gradonačelnika Zenice u 2020. godini;
- Izvještaj o radu Gradskog pravobranioca Zenica za period 01.01-31.12.2020. godine;
- Izvještaj o radu Zeničke razvojne agencije ZEDA d.o.o. Zenica za 2019. godinu, s obzirom na to da isti nije razmatran u 2020. godini;
- Izvještaj o poslovanju Zeničke razvojne agencije ZEDA d.o.o. Zenica za 2020. godinu;
- Izvještaj o izvršenju Budžeta Grada Zenica za period 01.01.-31.03.2021. godine;
- Izvještaj o provedenom postupku javnog nadmetanja – licitacije, radi prodaje građevinskog zemljišta na lokalitetu Trg rudara.
- Pojedinačne izvještaje o poslovanju javnih preduzeća u 2020. godini sa stavovima resornih službi i to:
 - a) Izvještaj o poslovanju PD „Regionalna deponija Mošćanica“ d.o.o. Zenica u 2020. godini;
 - b) Izvještaj o poslovanju Javnog preduzeća „Vodovod i kanalizacija“ d.o.o. Zenica za 2020. godinu;

(Razmatrajući Izvještaj o poslovanju Javnog preduzeća „Vodovod i kanalizacija“ d.o.o. Zenica za 2020. godinu Vijeće je donijelo zaključak kojim se traži od Ministarstva za prostorno uređenje, promet i komunikacije i zaštitu okoline Zeničko-dobojskog kantona-Kantonalna direkcija za ceste da izda saglasnost na trasu vodovodne linije, koja vodi od raskrsnice Čajdraš-Grm do naselja Grm, u skladu s podnesenim zahtjevom JP „Vodovod i kanalizacija“ d.o.o. Zenica).

 - c) Izvještaj o poslovanju JP „Gradsko groblje“ d.o.o. Zenica za 2020. godinu;

(Razmatrajući Izvještaj o poslovanju JP „Gradsko groblje“ d.o.o. Zenica za 2020. godinu Vijeće je donijelo Zaključak kojim se od Skupštine Preduzeća traži prijedlog parcela u svrhu povećanja kapaciteta gradskog groblja).

Vijeće je razmatralo i nije usvojilo izvještaje o radu javnih preduzeća za 2020. godinu kako slijedi:

- Izvještaj o poslovanju JP za upravljanje i održavanje sportskih objekata d.o.o. Zenica za 2020. godinu;
 - Izvještaj o poslovanju JP „Tržnica“ d.o.o. Zenica za 2020. godinu;
 - Izvještaj o radu JP „Parking servis“ d.o.o. Zenica za 2020. godinu;
 - Izvještaj o poslovanju JP za prostorno planiranje i uređenje grada „Zenica“ d.o.o. Zenica za 2020. godinu;
 - Izvještaj o poslovanju JP „Grijanje“ d.o.o. Zenica za 2020. godinu.
- (Razmatrajući Izvještaj o poslovanju JP „Grijanje“ d.o.o. Zenica za 2020. Godinu, Vijeće je donijelo zaključak kojim predlaže Gradonačelniku, kao Skupštini javnih preduzeća i javnih ustanova čiji je osnivač Grad Zenica, izuzev*

JU „Dom zdravlja“ Zenica i JU Apoteka „Zdravlje“ Zenica, da za javna preduzeća i javne ustanove, kojima Gradsko vijeće nije usvojilo izvještaj o radu i poslovanju, iz razloga ostvarenog negativnog finansijskog rezultata, odnosno gubitka u poslovanju, izanalizira razloge zbog kojih je došlo do negativnog finansijskog rezultata i razmotri opciju smjene nadzornih i upravnih odbora, odnosno rukovodstva javnih preduzeća i javnih ustanova).

Pored navedenog, Vijeće je razmatralo i prihvatilo izvještaje o poslovanju javnih preduzeća za 2019. godinu, s obzirom da isti nisu razmatrani u toku 2020. godine i to:

- *Izvještaj o poslovanju Privrednog društva „Regionalna deponija Mošćanica“ d.o.o. Zenica u 2019. godini s Planom poslovanja za 2020. godinu,*
- *Izvještaj o poslovanju Javnog preduzeća „Vodovod i kanalizacija“ d.o.o. Zenica za 2019. godinu,*
- *Izvještaj o poslovanju JP „Grijanje“ d.o.o. Zenica za period 01.01.-31.12.2019. godine;*
(Razmatrajući Izvještaj o poslovanju JP „Grijanje“ d.o.o. Zenica za period 01.01.-31.12.2019. godine, Vijeće je donijelo Zaključak kojim se zadužuje JP „Grijanje“ d.o.o. Zenica da resornoj gradskoj službi i Stručnoj službi Gradskog vijeća dostavi inicijative za izmjene zakona i drugih propisa iz oblasti komunalnih djelatnosti radi razmatranja i upućivanja istih prema nadležnim višim zakonodavnim nivoima).
- *Godišnji izvještaj o poslovanju JP „ZENICAGAS“ d.o.o. Zenica za period 01.01.-31.12.2019. godine,*
- *Izvještaj o poslovanju Javnog preduzeća za prostorno planiranje i uređenje grada „Zenica“ d.o.o. Zenica za period 01.01.2019. do 31.12.2019. godine s Planom poslovanja za 2020. godinu,*
- *Izvještaj o radu JP „Parking servis“ d.o.o. Zenica za 2019. godinu,*
- *Izvještaj o poslovanju JP „Gradsko groblje“ d.o.o. Zenica za 2018. godinu i Izvještaj o poslovanju JP „Gradsko groblje“ d.o.o. Zenica za 2019. godinu s Planom poslovanja za 2020. godinu,*
- *Izvještaj o poslovanju JP „Tržnica“ d.o.o. Zenica za 2019. godinu.*

Od normativnih akata iz ove oblasti Vijeće je usvojilo niz odluka: Odluka o preuzimanju garažnih prostora u vlasništvo Grada Zenica, Odluka o izmjeni Odluke o osnivanju Gradskog pravobranilaštva, Odluka o pristupanju izradi Gender akcionog plana Grada Zenica za period 2021.-2024. godine, Odluka o dodjeli javnih priznanja povodom 20. Marta - Dana Grada Zenica i druge. Pored navedenog Gradsko vijeće je razmatralo i donijelo veći broj odluka, rješenja i zaključaka iz oblasti imovinsko-pravnih odnosa, te veći broj rješenja o izboru i imenovanju.

Pregled svih normativnih akata dat je u prilogu ovog Izvještaja.

III – PROSTORNO UREĐENJE, KOMUNALNA DJELATNOST I EKOLOGIJA

U oblasti **prostornog uređenja i građenja** Gradsko vijeće je u 2021. godini razmatralo i usvojilo sljedeće normativne akte:

- Odluku o izmjenama i dopuni Odluke o pristupanju izradi Urbanističkog plana općine Zenica za period 2014.-2034. godine;
- Nacrt Odluke o usvajanju izmjena i dopuna Regulacionog plana „Centar Nemila“ (skraćeni postupak) i upućivanja na javni uvid i javnu raspravu;
- Nacrt Odluke o izmjenama i dopunama Odluke o provođenju Regulacionog plana „Centar Nemila“;
- Prijedlog Odluke o usvajanju izmjena i dopuna Regulacionog plana „Centar Nemila“ (skraćeni postupak)
- Prijedlog Odluke o izmjenama i dopunama Odluke o provođenju Regulacionog plana „Centar Nemila“
- Odluku o pristupanju izmjenama i dopunama Regulacionog plana „Mokušnice“ (skraćeni postupak)
- Nacrt Odluke o usvajanju izmjena i dopuna Regulacionog plana „Mokušnice“ (skraćeni postupak) i upućivanja na javni uvid i javnu raspravu;
- Nacrt Odluke o izmjenama i dopunama Odluke o provođenju Regulacionog plana „Mokušnice“;
- Prijedlog Odluke o usvajanju izmjena i dopuna Regulacionog plana „Mokušnice“ (skraćeni postupak)
- Prijedlog Odluke o izmjenama i dopunama Odluke o provođenju Regulacionog plana „Mokušnice“
- Odluku o pristupanju izradi Regulacionog plana „Centar I“
- Odluku o opredijeljenosti dodjele/osnivanja prava građenja radi realizacije projekata izgradnje, upravljanja i korištenja podzemnih garaža na području grada Zenica
- Odluku o opredijeljenosti dodjele i osnivanja prava građenja radi realizacije projekata izgradnje i upravljanja objektom/kompleksom Autobuske stanice u Gradu Zenica
- Odluku o utvrđivanju prosječne konačne građevinske cijene 1m² korisne stambene površine na području Grada Zenica;

Od planskih dokumenata iz ove oblasti Vijeće je razmatralo i usvojilo Plan korištenja javnih površina na području Grada Zenica za 2021. godinu.

U oblasti **komunalne djelatnosti i ekologije** Vijeće je razmatralo i usvojilo izvještajne, planske i programske dokumente kako slijedi:

- Izvještaj o realizaciji projekata izgradnje, rekonstrukcije i održavanja cestovne infrastrukture za 2019. godinu, s obzirom na to da isti nije razmatran u 2020. godini;
- Izvještaj o realizaciji projekata izgradnje, rekonstrukcije i održavanja cestovne infrastrukture za 2020. godinu;
- Plan ulaganja u putnu infrastrukturu za 2021. godinu;

- Izvještaj o realizaciji ulaganja u oblast vodoprivrede na području Grada Zenica za 2019. godinu, s obzirom na to da isti nije razmatran u 2020. godini;

(Razmatrajući Izvještaj o realizaciji ulaganja u oblast vodoprivrede na području Grada Zenica za 2019. godinu, Vijeće je donijelo Zaključak kojim se upućuje urgencija Ministarstvu poljoprivrede, vodoprivrede i šumarstva Zeničko-dobojskog kantona da uvažava projekte i prijedloge, koji su delegirani od strane Grada Zenica i resorne službe za iskorištenje sredstava iz vodnih naknada, koja sljeduju Grad Zenica za ulaganje u oblasti vodoprivrede).

- Izvještaj o realizaciji ulaganja u oblasti vodoprivrede za 2020. godinu;

(Razmatrajući Izvještaj o realizaciji ulaganja u oblasti vodoprivrede za 2020. godinu Vijeće je usvojilo zaključak kojim se zahtijeva od Ministarstva za poljoprivredu, šumarstvo i vodoprivredu Zeničko-dobojskog kantona da Gradskom vijeću dostavi informaciju koliko je u gradu Zenica po osnovu vodnih naknada prikupljeno sredstava u posljednjih deset godina, a koliko je u istom periodu u gradu Zenica realizovano projekata iz vodnih naknada i u kojem iznosu, te Zaključak kojim se upućuje inicijativa Vladi Zeničko-dobojskog kantona za izradu preciznih kriterija za raspodjelu sredstava prikupljenih po osnovu vodnih naknada koja će biti raspoređena općinama/gradovima u kantonu).

- Plan ulaganja u oblasti vodoprivrede za 2021. godinu;
- Izvještaj o realizaciji Programa utroška sredstava iz Fonda za ekologiju za 2020. godinu i Program utroška sredstava iz Fonda za ekologiju za 2021. godinu;
- Program organizovanja sezone grijanja 2021./2022. godina.

Pored navedenog, Vijeće je utvrdilo i uputilo u javnu raspravu u trajanju od 30 dana Nacrt Plana upravljanja otpadom na području Grada Zenica za period 2021.-2030. godine. Od informativnih materijala Vijeće je razmatralo i prihvatilo Informaciju o korištenju mjerne opreme i uređaja za monitoring kvalitete zraka sa prijedlogom ustupanja iste u trajno vlasništvo Univerzitetu u Zenici, Institut Kemal Kapetanović. Od normativnih akata iz oblasti komunalne djelatnosti i ekologije Vijeće je usvojilo Odluku o zaštiti izvorišta Džomba, Gradišće, te Odluku o ustupanju u vlasništvo Univerzitetu u Zenici - Metalurški institut „Kemal Kapetanović“ stalnih sredstava Grada Zenica – mjerne opreme i uređaja za monitoring kvalitete zraka.

IV – DRUŠTVENE DJELATNOSTI

U oblasti društvenih djelatnosti Gradsko vijeće je u 2021. godini razmatralo i usvojilo izvještaje o radu javnih ustanova: Muzej grada Zenice, Gradska biblioteka Zenica i Bosansko narodno pozorište Zenica za 2020. godinu. Vijeće je, također, razmatralo izvještaje o radu navedenih javnih ustanova iz oblasti kulture za 2019. godinu, s obzirom na to da isti izvještaji nisu razmatrani u toku 2020. godine.

Vijeće je razmatralo i izvještaje javnih ustanova u oblasti predškolskog odgoja te oblasti zdravstva. Vijeće je razmatralo i usvojilo Izvještaj o radu JU Predškolski odgoj i obrazovanje Zenica u 2019. godini, s obzirom na to da isti nije razmatran u 2020. godini. Vijeće je razmatralo, ali nije usvojilo, Izvještaj o radu JU „Predškolski odgoj i obrazovanje“ Zenica za 2020. godinu.

Vijeće je razmatralo i nije usvojilo izvještaje o radu javnih ustanova u oblasti zdravstva za 2019. godinu i to: Izvještaj o radu JU „Dom zdravlja“ Zenica za 2019. godinu i Izvještaj o radu JU Apoteka „Zdravlje“ Zenica za 2019. godinu.

(Razmatrajući Izvještaj o radu JU Apoteka zdravlje“ Zenica za 2019. godinu, Vijeće je donijelo zaključak kojim se zadužuje Služba za boračko-invalidsku i socijalnu zaštitu, stambene poslove i društvene djelatnosti da Revizorskoj komori F BiH dostavi Izvještaj o reviziji finansijskih izvještaja JU Apoteka „Zdravlje“ Zenica za 2019. godinu i Izvještaj ureda za reviziju institucija u Federaciji BiH radi očitovanja o različitim stavovima u ova dva izvještaja, te zaključak kojim se nalaže menadžmentu i Upravnom odboru JU Apoteka „Zdravlje“ Zenica da do razmatranja Izvještaja o radu JU Apoteka „Zdravlje“ Zenica za 2020. godinu, u sklopu plana i programa rada za 2021. godinu, dostave Plan sanacije kojim bi se otklonile poteškoće u poslovanju ili da predlože druge mjere za ovu javnu ustanovu).

Vijeće je, također, razmatralo, ali nije usvojilo Izvještaj o radu JU Apoteka zdravlje „Zenica“ za 2020. godinu. Razmatrajući navedeni izvještaj Vijeće je zaključcima zadužilo rukovodstvo javne ustanove da dostavi plan sanacije, te menadžment i osnivača javne ustanove da, u roku od tri mjeseca, iznađu rješenje za finansijsku konsolidaciju JU Apoteka „Zdravlje“ Zenica primjenom javno-privatnog partnerstva.

Vijeće je razmatralo i nije usvojilo Izvještaj o radu JU „Dom zdravlja“ Zenica za 2020. godinu. Razmatrajući Izvještaj o radu JU „Dom zdravlja“ Zenica za 2020. godinu Vijeće je donijelo zaključak kojim se traži od Ministarstva zdravstva Zeničko-dobojskog kantona da Gradskom vijeću dostavi informaciju o tome po kojim kriterijima se vrši raspodjela finansijskih sredstva domovima zdravlja na području Zeničko-dobojskog kantona.

Od normativnih akata u ovoj oblasti Vijeće je donijelo Odluku o visini naknade za rad predsjednika i članova upravnih odbora zdravstvenih ustanova čiji je osnivač Grad Zenica.

Osim navedenog, Vijeće je u oblasti društvenih djelatnosti razmatralo i usvojilo građansku inicijativu za izgradnju sportskog igrališta u MZ „Blatuša“.

V – SOCIJALNA ZAŠTITA

Od izvještajnih materijala u oblasti socijalne zaštite u 2021. godini razmatrani su i usvojeni izvještaji o radu javnih ustanova za prethodnu kalendarsku godinu kako slijedi:

- Izvještaj o radu JU Centar za socijalni rad Zenica u 2020. godini;*
- Izvještaj o radu JU „Dom-porodica“ Zenica za 2020. godinu;*
- Izvještaj o radu JU „Dom za stara lica Zenica“ Zenica za 2020. godinu;*
- Izvještaj o radu Gradske narodne kuhinje u Zenici za 2020. godinu.*

Prilikom razmatranja Izvještaja o radu JU Centar za socijalni rad Zenica, Vijeće je donijelo zaključak da se prilikom izrade Strategije Grada Zenica posebna pažnja posveti aspektu socijalne zaštite, kao i nasilja u porodici.

Vijeće je, također, razmatralo izvještaje o radu navedenih javnih ustanova za 2019. godinu, s obzirom na to da isti nisu razmatrani u toku 2020. godine, te iste prihvatilo.

VI – JAVNA BEZBJEDNOST

U oblasti javne bezbjednosti Gradsko vijeće je razmatralo i usvojilo Informaciju o radu PU I Zenica sa ocjenom stanja bezbjednosti za period januar-decembar 2020. godine.

U okviru normativne djelatnosti Vijeće je usvojilo Nacrt Odluke o organizovanju i funkcionisanju zaštite od požara i vatrogastva na području Grada Zenica i isti uputilo u javnu raspravu u trajanju od 30 dana.

VII – OBILJEŽAVANJE ZNAČAJNIH DOGAĐAJA

Vijeće je bilo uključeno u aktivnosti oko obilježavanja značajnih datuma: Dana državnosti Bosne i Hercegovine, Dana pobjede nad fašizmom, Dana Grada Zenica i drugih.

Na svečanoj sjednici Vijeća održanoj povodom Dana Grada Zenica, uručena su priznanja u skladu s ranije donesenom Odlukom o dodjeli javnih priznanja Zenice za 2021. godinu, a na prijedlog Ocjenjivačkog suda.

VIII – ODNOS PREMA PARLAMENTU FEDERACIJE BiH I SKUPŠTINI ZE-DO KANTONA

U okviru zaključaka donesenih povodom razmatranja aktuelnih problema, Vijeće je uputilo određeni broj zahtjeva, preporuka i inicijativa prema Vladi F BiH i Vladi Zeničko-dobojskog kantona, odnosno resornim ministarstvima.

U principu, moglo bi se reći da komunikacija s višim nivoima vlasti u ovoj sferi nije rezultirala potrebnim i očekivanim efektima.

IX – ODNOS GRADSKOG VIJEĆA I GRADONAČELNIKA

Razmatrajući Izvještaj o radu Gradske uprave i Gradonačelnika za 2020. godinu Vijeće je sagledalo realizaciju utvrđenih zadataka i funkcioniranje izvršne vlasti, a time i rad službi.

Pored navedenog, potrebno je napomenuti da je Gradonačelnik, kao predlagач materijala, davao uvodna izlaganja, obraćajući se direktno vijećnicima i javnosti u vezi s najvažnijim pitanjima o kojima je raspravljalo Vijeće, uključujući i izvještavanje o poduzetim aktivnostima, mjerama i stepenu realizacije započetih projekata na području Grada.

Značajno je napomenuti da je na sjednicama Vijeća u 2021. godini održano niz prezentacija, posebno iz oblasti prostornog uređenja koje se odnose na usvajanje regulacionih planova. Pored navedenog, projektantska firma „Budšić CO“ d.o.o. Sarajevo održala je prezentaciju projekta žičare Kamberovića polje - Smetovi.

Gradsko vijeće, pored aktivnosti utvrđenih Programom rada Gradskog vijeća, podržalo je inicijative Gradonačelnika, sadržane u nizu prijedloga dostavljenih Vijeću na razmatranje, a posebno aktivnosti usmjerene ka stvaranju pozitivnog ambijenta u sferi ekonomije i poduzetništva, prostornog uređenja i komunalne djelatnosti, mjerama zaštite životne sredine, društvenih djelatnosti i socijalne zaštite i dr.

X – RAD RADNIH TIJELA VIJEĆA

U ukupnoj aktivnosti Vijeća u protekloj godini značajan doprinos dala su radna tijela Vijeća i Radno predsjedništvo Gradskog vijeća. Sastav i djelokrug rada radnih tijela koja su konstituirana kao stalna i povremena tijela utvrđen je Poslovníkom Vijeća.

Stalne komisije Vijeća redovno su razmatrale sjedničke materijale koji su iz okvira njihove nadležnosti i davale svoje stavove, prijedloge i mišljenja o istim.

Kao ilustracija aktivnosti pojedinih stalnih radnih tijela Vijeća navode se slijedeći podaci:

- *Komisija za obilježavanje značajnih datuma, događaja i ličnosti održala je 15 sjednica sa ukupno 15 tačaka dnevnog reda;*
- *Komisija za propise održala je 23 sjednice sa ukupno 94 tačke dnevnog reda;*
- *Komisija za izbor i imenovanja održala je 14 sjednica, sa ukupno 16 tačaka dnevnog reda;*
- *Komisija za ekonomske odnose održala je 9 sjednica sa ukupno 24 tačke dnevnog reda;*
- *Komisija za društvene djelatnosti, socijalni rad i boračko - invalidsku zaštitu održala je 9 sjednica sa ukupno 25 tačaka dnevnog reda;*
- *Komisija za prostorno planiranje i ekologiju održala je 10 sjednica sa ukupno 36 tačaka dnevnog reda;*
- *Komisija za pitanja mladih održala je 24 sjednice sa ukupno 105 tačaka dnevnog reda;*
- *Komisija za ravnopravnost spolova održala je 3 sjednice u izvještajnom periodu sa ukupno 5 tačaka dnevnog reda;*
- *Etička komisija imenovana od strane Gradskog vijeća, nadležna za praćenje i nadziranje poštovanja Etičkog kodeksa za izabrane zvaničnike Grada Zenica, održala je 15 sjednica sa ukupno 39 tačaka dnevnog reda.*

Ocjenjivački sud za dodjelu javnih priznanja, kao specifično stalno tijelo Vijeća koje pokreće i vodi postupak dodjele javnih priznanja održao je tri sjednice, te proveo proceduru za utvrđivanje Prijedloga odluke o dodjeli javnih priznanja u povodu 20. marta – Dana Zenice.

Generalno gledano, može se konstatirati da je u izvještajnom periodu rad komisija Vijeća bio kvalitetan što je doprinijelo većoj efikasnosti rada Vijeća. Vijeće je, u principu, uvažavalo stavove komisija.

XI – VIJEĆNIČKA PITANJA

Vijećnička pitanja kao specifičan instrument kontrole rada izvršnih organa i drugih institucija sistema, omogućavaju vijećniku neposredan način iznošenja određenih

problema ili nejasnoća s ciljem efikasnog i brzog dobijanja odgovora. Broj i struktura postavljenih vijećničkih pitanja upućuje na to da se vijećnici sve više afirmišu u pomenutom smislu. Postavljeno je 57 vijećničkih pitanja i podneseno 144 inicijative u toku izvještajnog perioda. Pripremljeni su odgovori na 46 vijećničkih pitanja i dostavljeni stavovi za 129 inicijativa, dok su ostala vijećnička pitanja i inicijative u proceduri pripreme odgovora, odnosno stavova.

Većina pripremljenih odgovora na vijećnička pitanja su prihvaćena, mada je bilo i slučajeva kada su vijećnici bili nezadovoljni ponuđenim odgovorima najčešće zbog njihove nepreciznosti, u kojim slučajevima su traženi ponovni ili dopunski odgovori od strane resornih službi i drugih subjekata. Zbog složenosti nekih vijećničkih pitanja, koja zadiru u nadležnost više resornih službi ili drugih pravnih subjekata izvan organa uprave, nadležne službe nisu bile u mogućnosti pripremiti odgovore odmah za narednu sjednicu Vijeća. Također, Vijeće je u 2021. godini, održalo dvije sjednice posvećene isključivo vijećničkim pitanjima i inicijativama. Radno predsjedništvo je u cilju veće produktivnosti i efikasnosti rada na redovnim sjednicama Vijeća zauzelo usaglašen stav o uvođenju prakse održavanja redovnih sjednica na kojima će biti razmatrana vijećnička pitanja i inicijative.

XII – PRISUSTVO VIJEĆNIKA SJEDNICAMA VIJEĆA

U protekloj godini na svim sjednicama Gradskog vijeća bio je obezbijeđen kvorum potreban za rad Vijeća.

Može se, također, konstatovati da se vijećnici, u principu, pridržavaju odredaba Poslovnika Vijeća, te blagovremeno vrše najavu odsustva, te kašnjenje na sjednicu Gradskog vijeća.

XIII – METOD RADA VIJEĆA

U pogledu metoda rada Vijeća može se konstatovati slijedeće:

- kod planiranja rada Vijeća težilo se da se obuhvate pitanja koja su u neposrednoj funkciji ostvarivanja uloge Vijeća, ostavljajući istovremeno mogućnost da se uvrste teme koje, kao aktuelne, nametnu novi životni tokovi;

- nastavljena je praksa izbjegavanja izrade preširokih programa rada koji ne omogućavaju da se objektivno posveti dovoljno pažnje aktuelnim tekućim pitanjima;

- radi efikasnijeg pregleda rada gradske uprave Vijeće je razmatralo Izvještaj o radu gradske uprave i Gradonačelnika s posebnim osvrtom na upravno rješavanje;

- radi postizanja veće efikasnosti rada Vijeća insistiralo se na blagovremenoj realizaciji donesenih odluka i zaključaka. Efikasnost rada Vijeća postignuta je i organizovanjem video prezentacija aktuelnih tema na samoj sjednici Vijeća, a naročito prezentacije projektnih rješenja, te dostavom materijala informativnog karaktera o kome se Vijeće nije izjašnjavalo;

- ispoštovano je i načelo javnosti rada i dostupnosti informacija, a značajniji akti i sjednički materijali blagovremeno su objavljeni na web stranici Grada, posebno u toku javne rasprave;

- saradnja sa zastupnicima u Skupštini ZE-DO kantona i Skupštini FBiH, ogledala se kroz niz inicijativa i stavova koji su im dostavljeni.

- upućen je niz zahtjeva i inicijativa Vladi ZE-DO kantona i Vladi FBiH kao i zahtjeva i poziva međunarodnim organizacijama i institucijama te nadležnim subjektima u BiH.

Neophodno je istaknuti i rad predsjedavajućeg Gradskog vijeća i Radnog predsjedništva Gradskog vijeća koji su redovno analizirali rad Vijeća, vršili selekciju prijedloga materijala i utvrđivali dnevni red, vodeći računa da isti ne bude preobiman, iako se dešavalo da je zbog svoje strukture, rokova i hitnosti materijala ponekad bio nešto obimniji.

* * * *

Iz naprijed izloženog može se zaključiti da je Gradsko vijeće u izvještajnom periodu gotovo u potpunosti realizovalo Program rada Gradskog vijeća za 2021. godinu s tim da su nerealizovane teme u fazi pripreme ili su uvrštene u Program rada Gradskog vijeća za 2022. godinu. Vijeće je pored realizacije Programa rada Vijeća, bilo otvoreno za sva značajna i aktuelna pitanja uz nastojanje da se nastavi s trendom stvaranja pozitivnog ambijenta u sferi ekonomije i poduzetništva i prostornog uređenja što je često praćeno prezentacijom projektnih rješenja. Vijeće je iskazalo posebnu brigu u oblasti zaštite životne sredine i oblasti prostornog uređenja ne zanemarujući ni pružanje pomoći licima u stanju socijalne potrebe, počev od rada Gradske narodne kuhinje.

Preciznija ilustracija rada i djelovanja Vijeća u 2021. godini data je kroz Pregled akata koje je Vijeće donijelo u izvještajnom periodu, koji čini sastavni dio ovog Izvještaja.

**STRUČNA SLUŽBA
GRADSKOG VIJEĆA**